

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 608. Quodnam dicatur testamentum ad pias causas, an & quales
solennitates tale testamentum requirat.

[urn:nbn:de:hbz:466:1-73957](#)

executioni commissa hæreditas pauperibus & capti-
vis relicta, testes esse possunt in tali testamento.
Muller. l. c. cum Gothofred. ad l. 4. c. de Episc. &
Cler. lit. o. non obstante, quod in ea lege iis detur
jus & nomen hæredis (propter quod. Ludvvel. &
Faber tenent, eos esse non posse testes (cum non ad
eum effectum dicantur hæredes, ut ipsi fiant de-
functi successores, vel aliquid ex defuncti successio-
ne commodi reineant, sed quod ad salutem paupe-
rum vel captivorum actiones defuncto competentes,
contra debitores intendere, debita exigere, & vi-
cissim actionibus, quibus defunctus à creditoribus
convenit poterant, quasi quidam hæredes conve-
niente possint: ita Muller. cit. lit. v. quem vide. nullaten-
tus tamen, ut Idem, testis esse potest, si simul cum
aliis hæres instituantur.

§. Ratione patriæ potestatis personæ ejusdem fami-
liae propter unitatis fictionem, quā finguntur una
persona, testes testamentarii sibi invicem esse non
possunt; dicent enim sibi ipsis in eo casu testimoni-
um. §. 10. Inst. de testam. ord. l. 20. ff. qui testam.
fac. poss. Hinc filius familiæ prohibetur esse testis in
testamento patris, in cuius est potestate, & pater in
testamento filii. Manz. de testam. valid. & inval. tit.
5. q. 1. n. 34. Carpz. p. 3. c. 3. def. 7. n. 3. Muller. ad
struv. in ff. quitestam. fac. poss. th. 13. lit. a. Bachov.
Harpr. & DD. communiter ad cit. l. 20. Sic etiam
liberi sequentium graduum, puta, nepotes, pronep-
otes &c. tanquam & ipsi in avi seu proavi potestate
existentes juxta §. 3. Inst. de patria potest. l. 4. & 5. ff.
de his qui sunt sui vel alieni juris testes esse non possunt
in testamentis, in quibus eorum avus vel proavus est
hæres institutus. cit. §. 10. Muller. l. c. citatis alias.
Item filius, nepos &c. hæredis, quem is habet in sua
potestate. Manz. Muller. ll. cit. Similiter nec pater,
nec avus &c. hæredis eundem habens in sua potesta-
te. cit. §. 10. Perez. in Cod. tit. de testam. n. 13. Item
prohibetur frater esse testis in testamento fratris &
fororis, si utrique in ejusdem patris potestate exi-
stant §. 9. Inst. de testam. ubi dicitur, reprobatur
esse hac in re testimonium domesticum. per testem
autem domesticum, ut Struv. cit. th. 13. lit. a. qui est
in patris testatoris potestate. Secus tamen, si sint
fratres uterini diversum patrem habentes, ut Muller.
citatis Vinn. & Befold. Dum verò hujus prohibi-
tionis ratio, nimicum illa personarum per patram
potestatem unio seu identitas, cessit, poterunt per-
sonæ, quantumcumque alias arctissima caritate &
necessitudine sibi devinctæ esse invicem testes testa-
mentarii. Sic itaque filius emancipatus testis esse
potest in testamento patris, & vice versa pater in
testamento, ubi filius ille hæres est; ut & illius fra-
tres emancipi. idem est de nepote ex filia respectu
testamenti avi; de liberis in testamento matris, fra-
tre in testamento fororis in eadem familia per eman-
cipationem non existentis &c. Muller. l. c. lit. y. ci-
tatis alias; cum iura à testimonio testamentario ex-
cipiant solos hæredis fratres in potestate patriæ ad-
huc existentes, & patrem habentem sub sua potesta-
te hæredem aliasque personas ratione patriæ pot-
estatis conjunctas. Unde jam etiam posse invicem
esse testes personas sanguine junctas vel affines hære-
dis; item maritum in testamento uxoris vel alio, in
quo illa scripta hæres; multoque magis esse posse te-
stes patronum in testamento liberti, patrem spiritua-
lem in testamento suscepiti ex Baptismo, famulum,
ministrum, officiales domesticos in testamento do-
mini, tradunt Reiffenst. b. t. n. 15. & a. ud Muller.
l. c. Castrens. adl. 20. ff. h. t. Strauch. dissert. ad Inst.
9. Treucl. vol. 2. d. 30. th. 4. lit. m. Barry. de success.

l. 1. tit. 1. n. 27. dicens communem. Donell. Hilg.
Reusn. Arumz. Welenb. Harpr. &c. dantes etiam
rationem, cur potius à testimonio judiciali repellantur
istiusmodi personæ, de quibus suspicio est celatu-
ras veritatem ex affectione, reverentia, obsequio,
quā à testimonio testamentario; dum etiam, ut
Brunem. ad §. 10. Inst. de testam. ord. in testamentis
quædam admittuntur propter ampliorem testium
numerum, quæ in judiciis non admittuntur. Nihi-
lominus quod dictæ personæ esse non possint testes
testamentarii, docent alii, & quidem in specie de
patre hæredis, quamvis non sit amplius in ejus po-
testate ob paternam affectionem, quæ per eman-
cationem non extinguitur. Farin. de testib. q. 54. n.
154. Carpz. p. 3. c. 3. d. 7. de filio, quod nequeat
esse testis pro patre, sive sit emancipatus, sive non;
sive pater condat testamentum, sive ab alio in testa-
mento instituat hæres; eò quod constitutæ unam
cum patre personam. Clar. §. testamentum. q. 55. n.
9. citatis Barthol. & Aretino. sic ait Muller. l. c. lit.
z. nostris moribus nec hæredis filius, neque ejus pa-
ter aut frates, non propter vinculum paternæ po-
testatis, sed propter conjunctionem sanguinis, quæ
efficit, ut eorum testimonia sint extra suspicionem
speratae successionis, esse possunt testes. de omnibus
etiam enumeratis personis, & præterea adhuc de
aliis, quæ ob commodum, quod inde exspectant,
suspectæ, id enunciat Struv. cit. th. 13. lit. z. ex ea
ratione, quod ratio illa, quæ ab unitate personarum
ex patria potestate fluente desumitur, non excludat
aliam rationem easdem personas à testimonio testa-
mentario repellentem, nimicum suspicionem, quæ
ex singulari illa affectione sumpta contra eas militat.
Quā centeniarum discordantia stante, melius & tu-
tius esse ad declinandas controversias ac litigias, tales
personas, de quibus DD. controverunt, num testes
esse possint, non admittere, vel ultra legitimū nu-
merum adhuc aliquos testes, rectè cum Lau-
terb. & aliis monet Muller. l. c. lit. n. Et hæc hu-
usque de testamentis solennibus, quales ea solemni-
tates requirant.

§. 11.

De Testamentis privilegiatis, qua-
les solennitatis ea requirant.

Quæst. 608. Quodnam datur testa-
mentum ad pias causas, an & qua-
les solennitatis tale testamentum re-
quirat.

1. R Esp. Ad primum: Testamentum ad pias
causas dicitur illud, in quo causa pia insti-
tuit hæres. Reiffenst. b. t. n. 136. Lauterb. de te-
stam. milie. §. 1. Muller. ad struv. in ff. qui testam.
fac. poss. th. 18. lit. a. cum Everhard. Jun. cons. 24.
27. n. 28. & commun. Siquidem non minus in te-
stamento ad pias causas quām alio necesse est, ut
hæres seu successor universalis institutus. Muller.
l. c. lit. y. à qua institutione formam suam primariò
definit; ita ut si causa pia in eo non sit instituta hæ-
res, sed quædam solum particularia ei relicta, non
sit testamentum ad pias causas, & consequenter, si
in eo non sint servatae solennitatis de Jure civili fer-
vanda, erit nullum, ut Covat. ad c. relatum. b. t. n.
2. Sicur è contra erit adhuc tale & valebit, ei si con-
tinuat aliqua legata ad causas profanas. Reiffenst.
Muller. ll. cit. de quō plurā respons. 3. Potrò causā
rum piarum nomine veniunt, quæ principaliter ac
directè

directè ad honorem Dei & Sanctorum, vel spiritualem anima salutem aut finem pium sunt, vel conseruntur locis piis. Abb. *in rubr. b.t.n.9.* Pirk. *b.t.n.*
19. Talia verò loca pia sunt Ecclesia & Monasteria. *L.1.c.de ss. Eccles Hospitalia & nosocomia. Arg. Clem. 2. de religio. domib. cò quòd pietatis intuitu ad exercenda ibi pietatis, caritatis & misericordia opera sunt erecta. L.22. & 23.c. de ss. Ecol. Ricc. p.3. collect. decis. 628. versi. inferuntur. Tholos. Syntag. iur. L.15. c. 28. n. 8. & 9. Abb. *in c. cum sit generale. de for. compet.* Muller. *l.c. itē Confraternitates & pia fodalitia. cit. l.22.* Pet. de perus. *ir. de 4. Canon.* Abb. *l.1. conf. 31.* Castrens. *l.2. conf. 5.* Decius. *conf. 72.* & alii passim. Fines pii sunt, dum relinquuntur aliquid captivos redimendi gratiā. *L.13. & 19.c. de ss. Eccles.* quod ipsum Castrens & Baldus *incit. l.19.* intelligent etiam de captivi ob delictum, vel causa subvenienti viduis aliisque miserabilibus personis. Muller. *l.c.* cum speculator. & in specie pauperibus, etiam consanguineis, non tantum carentibus vita necessariis, sed etiam necessariis ad decentem sustentationem juxta qualitatem & conditionem statū; modò tamen relinquatur iis principaliter ob honorem Dei & anima salutem. Abb. *in rubr. b.t.n.9.* & ne aliàs, præfertim dum relinquuntur pauperi consanguineo vel affini magis intuitu amicitiae vel consanguinitatis quam paupertatis relictum censeatur. quod tamen eo ipso, ut vult Lauterb. *in ff. de testam. milit. §.4.* citatis Surdo *decis. 322. n.16.* Mafcard. *de prob. vol.2. concl. 1172.* cenendum non est, quòd relinquatur pauperi affini. unde Reiff. *b.t.n.137.* consultum esse ait, ut si quis alicui pauperi, maximè consanguineo, hæreditatem vel legatum relinquat, coram testibus vel in scriptura exprimat, quòd eum tanquam pauperem hæredem instituat, vel ei legatum relinquat, ne aliàs testamentum vel dispositio ad causas profanas reputetur; sicutque ob defectum solennitatis in foro externo rejiciatur, casu quo dubitet, num institutus hæres verè sit pauper, vel an ei ob honorem Dei potius & ex christiana caritate, quam ex alio motivo profano hæreditas sit reliqua. Idem est de reliquo in dote; eo quòd ea alimentis (quorum causa censetur pia. *L.14. ff. de aliment. legat. & l.21.c. de ss. Eccles.* Sichard. *ad l.14.c. de contrah. vel committ. stipul. n.13.*) æquiparetur Muller. *l.c. cum gl. in l.22. de pred. minor.* quòd tamen intelligentum videatur de puella carente aliàs dote, quare numerus prohibeatur. Quò referri solet, quod mere tricire relinquitur, ut ad frugem melioris vitæ convertatur. Bald. *in l.22.c. de nupt.* Muller. *l.c.* Item pia causa seu pius finis est, dum relinquuntur quid studiorum causā. Barth. *in l.1. solut. matrim.* Muller. *l.c.* Item & vel maximè, dum quid relinquunt pro suffragiis mortuorum. Pirk. *l.c.* An vero propriè ad causas pias spectet constructio vel reparatio pontium & viarum, ut Muller. *l.c.* citatis gl. & DD. *in L.1. §. ad mancipium. ff. ad l. scilicet. ut &, quidquid ad utilitatem publicam conferunt, ut Idem citatis L.1. §. fin. c. de cadu. toll. & Castrens. *conf. 194. l.2.* dubitari possit; cum non ita principaliter respicere videatur honorem Dei, à quo respectu desumenda ratio cause pia.**

2. Resp. Ad secundum: Testamentum ad causas pias factum perfectè privilegiatum est & validum pro utroque foro, tam externo quam interno conscientia, tam in terris Imperii & aliis Regnorum, quam in ditionibus Pontificis, eti solennitatibus à jure civili requisitis careat. Requiruntur que solita, ut habeat, qua jus naturale & gentium exigit; nimislibet libera voluntas, testandi capacitas,

R.P Leur. *Jur. Can. Lib. III.*

Laym. L. 3. tr. 5. c. 2. num. 3. corollar. 2. Pirk. b. t. num. 20. Muller. l. c. Reiffenst. b. t. n. 143. & seq. qui etiam num. 48. huic bene deducit, valere tāē testamentum, saltem pro foro interno (et si secus foret de foro externo, vel si hæres ab intestato se opponeret) ad hoc, ut accipi & retinerti queā hæreditas vel legatum relicta, si hæres pius. v. g. pauper ipsemet interfuit & audivit voluntatem defuncti, licet nec testibus nec scripturā id probare possit; cūm de jure naturā sufficiat ad transferendum dominium, ut ille, in quem transfertur, re vera sciat voluntatem transipientis, eamque acceptet. His non obstante, quod Jure etiam Canonico, c. cūm effe. requirantur duo testes, etiam ad substantiam ac valorem testamenti; cūm id intelligendum de testamento ad causas profanas, ut Pirk. b. t. num. 20 neque c. relatum, ubi etiam duo testes requiruntur ad testamentum ad pias causas: quia in casu hujus cap. deerant alia probationes. Pirk. l. c. Unde etiam Arg. cit. c. relatum, bene dicit Laym. l. c. num. 4. dum aliter non constat de voluntate testatoris, ita necessariō, etiam pro foro interno requiri duos testes legitimos, ut unus solus, etiam omni exceptione major iuramento suum testimonium confirmans sufficiat, ut ei hæres ab intestato teneatur credere. adeoque improvidē agere, & suam dispositionem exponere periculo nullitatis testatores, ait. Reiffenst. b. t. num. 153. uni soli. v. g. Confessario suo exponendo voluntatem suam ultimam, ut eam post mortem suam revelet & intimet hereditibus suis ab intestato; cūm illi ei soli non teneantur credere. De cetero non requiruntur ad legitimam probationem, ut hi testes sint rogati; cūm solo Jure Civili, quod in his testamentis non attenditur, non verò jure gentium vel naturæ, aut etiam canonico, etiam ad probandum requirantur testes rogati. Covar. l. c. n. 5. Abb. in cit. c. relatum num. 3. Fagn. ibid. n. 12. Pirk. b. t. n. 21. Molin. l. c. n. 4. Clarus. l. c. n. 4. Muller. l. c. lit. y. contra Cafren. L. 2. conf. 101. Lapum allegat. 30. Non obstante cit. c. relatum, dum ibi dicitur: coram duobus testibus requisis: cūm id non intelligendum, ac si deberent esse rogati à testatore; sed quia requiruntur ad probationem, dum alia probationes desunt. AA. citati, vel, ut alii cum Corneo L. 2. conf. 278. dicta verba referenda ad Judicem, qui duos testes requirere & examinare debet. Neque requiruntur, ut testes in hoc testamento sint mares, sed esse possunt mulieres, tam in foro Ecclesiastico quam seculari; quia in hoc testamento attenditur jus gentium & naturale, quod in eo testes legitimi censentur mulieres. AA. paulo ante cit. Reiffenst. b. t. n. 155. hac ratione addita; quod mulier in quavis causa civili, (quale est testamentum, saltem ad causas profanas, possit esse testis, quantum est de Jure canonico, & solo Jure civili repellatur; adeoque multo magis in testamento ad pias causas, quod est causa Ecclesiastica, vel saltem mixti fori, ut Pirk. num. 22. ita ut eam tractare cogereque ad relicta praestanda etiam Judex secularis, dum hæres ab intestato, executor, professor hæreditatis est laicus. Proinde jam etiam non repelluntur à testificando in hoc testamento inhabiles alii ad hoc Jure civili, ut sunt servi, infames, quatenus præcisè tales jure civili, argumento ducēto à muliere, & quod hi jure gentium esse possint testes testamentarii. Anch. in c. cūm effe. b. t. n. 6. Fagn. ibid. n. 35. Reiffenst. n. 156. testan-

tes de communissima. Repelluntur tamen, qui & quatenus inhabiles ad hoc sunt Jure canonico; quales sunt servi, can. testes. 4. q. 3. infames infamia juris. c. nulli. 3. q. 4. c. 7. de testib. excommunicati videnti. Can. illi qui can. infam. 6. q. 1. c. 8. de sent. excomm. in 6. Criminosi non emendati, si eis crimen objiciatur. c. 54. de testib. & alii, de quibus ad tit. de testib. Præterea, ut dictum resp. 1. ad testamentum ad pias causas, non secus acad testamentum ad causas profanas, etiam de Jure canonico, necessaria est institutio hereditis juxta communiorum contra Leff. L. 2. c. 19. du. 2. n. 8. est enim illa institutio de essentia omnis testamenti quā talis, illudque per hoc differt ab aliis dispositionibus ultimæ voluntatis, adeoque ubi hæres non est, etiam testamentum ad pias causas non est, sed præcisè codicilus. Reiffenst. b. t. n. 179. est etiam hæc institutio de jure gentium, eo ipso, quod hoc jure nemo nisi hæres ex testamento vel ab intestato succedat in universum jus defuncti. qualiter autem fieri possit hæc institutio in testamento ad pias causas, dicitur resp. seq.

4. Resp. Quartò: cetera alias requisita à Jure civili non requiruntur ad hæc testamenta. Sio primo, quanvis regulariter non valeat testamentum, in quo hæres institutus solo mutu. L. jubemus. c. de testam. sine scriptura & voce ad interrogationem alterius; valet tamen sic conditum ad pias causas. gl. in c. cūm tibi. b. t. Corneus in cit. l. jubemus. num. 26. Alex. ibid. n. 3. & Rimmald. col. 1. & alii, quos citat & sequitur Clar. l. c. n. 7. item Tiraq. de privil. causa p. privil. 8. Molin. l. c. d. 134. n. 8. de Lugo. cit. d. 22. n. 169. Laym. l. c. n. 3. Pirk. n. 21. Muller. cit. th. 23. lit. y. Reiffenst. b. t. n. 150. Secundò licet requiratur alias subscriptio temporis, quod factum est testamentum. hæc tamen in testamento ad pias causas non est necessaria. Arg. auth. hoc inter. c. de testam. Natta in auth. quod sine c. de testam. Everhard. Jun. conf. 27. vol. 1. n. 64. Muller. l. c. Tertiò licet de jure communii requiratur, ut legitima relinquat filii jure & titulo institutionis; in testamento tamen ad pias causas, ut Clar. l. c. & ex professo q. 38. non requiritur; cūm hæc sit merè solemnitas Jure civili inducta. Clar. l. c. n. 8. cum Bartol. in l. c. de ff. Eccles. n. 62. Alex. in l. inter cetera ff. de lib. & posthum. n. 4. Jason. L. 2. ccns. 194. col. fin. Muller. l. c. Quartò licet non valeat Jure civili testamentum seu ultima voluntas captatoria, quæ pender ex alieno arbitrio, vel in alienum arbitrium conferuntur; dum nimis hæredem constituit, committendo alteri hæreditatem aut legata ejus arbitrio distribuenda juxta L. q. 2. de hæred. Instit. Clar. l. c. n. 5. Muller. l. c. valet tamen tale testamentum seu dispositio ad causas pias, quā v. g. testator dicit coram duobus testibus, vel scribit suā manu in genere: instituto hæredem pias causas: vel magis in specie, animas in purgatorio. vel panperes, quos Titus elegit. lego centum aureos in dolem puellæ, si hæredi placuerit. ac ita docent Abb. L. 2. cors. 32. num. 3. Alex. L. 1. cors. 14. num. 7. Paris. L. 2. cors. 83. num. 29. & alii, quos refert & sequitur Clar. l. c. num. 5. Item Covar. in c. cūm tibi. b. t. num. 12. de Lugo l. c. n. 172. Molin. l. c. n. ult. Laym. l. c. n. 7. Pirk. b. t. n. 23. Reiffenst. n. 151. Muller. l. c. & AA. communiter in l. captoriar. c. de testam. milit. eo quod, ne voluntates ultimæ in alienum arbitrium conferantur, sit simplex prohibitio Juri Civilis; adeoque non impedit, quo minus ea non obstante valeat talis dispositio ad pias causas quin & valebit adhuc talis dispositio commissoria, in qua

non appetet expressè, testatorem voluisse testari ad pias causas; ut dum dicit: *committo omnia bona mea dispositioni Titii*: ita ut in tali casu deputatus ille commissarius solo nomine intelligatur institutus hæres, & gravatus sit omnia illa bona distribuere in pias causas, quas ipse voluerit. pro ut ex cit. c. *cum tibi. b. t.* deflumunt Abb. *ibid.* n. 4. Covar. n. 13. Clar. l. c. n. 6. Pirk. Reiffenst. ll. cit. ex ea etiam ratione, quod ultima voluntas & dispositio ita intelligenda, ut potius valeat quam pereat, sive ut ea subsistere possit secundum jus naturale & gentium. Arg. c. *Abbate. de V. S. & L. 11. ff. de reb. dub.* Talis autem dispositio facta ad causas profanas non valeat. item quod talis commissarius, arbitrarius arbitretur ut quilibet prudens, adeoque quod videtur optimum defuncto; huic autem optimum sit, si bona sua distribuantur in pauperes aliosve pios usus. Quinto tametsi testamentum initiatum, non autem consummatum, sed imperfectum, quia testator morte preventus, aut alia ratione impeditus illud perficere non potuit, alias nullatenus valeat, juxta L. *s. i. s.*, qui ff. b. t. valere tamen quod ad legata pia in ea dispositio imperfecta jam expressa, quidam absolute pronunciant. ut Pirk. b. t. n. 22. citatis pro hoc Covar. *in c. relatum. b. t. n. 10.* Molin. l. c. n. 7. Laym. l. c. n. 6. idque non obstante, quod testator voluntatem mutare potuerit; quia si re ipsa non mutavit, ea firma maneat. Verumtamen rectius id ipsum distinguunt alii juxta diversum modum, quo illa imperfectio contingere potest; ita ut etiam quod ad pias causas in dispositio imperfecta expressas ea nihil valeat, si imperfectio contingat ex defectu voluntatis testatoris actu existentis, dum nimur cogitat testator, vel refolvit se facere testamentum, & in eum finem convocari curat testes, annotat etiam in scheda aliqua, vel discurrens cum aliquo aut pluribus, edictis se in testamento institutum heredem causas pias, vel aliquid circa eas ordinaturum, nihil operatur quod ad causas piastis resolutio manifestata in scripto vel oretenus de futura se confectione testamenti aut ordinatione ad pias causas; quia rationem voluntatis testamentaria non habet; cum per hoc dici nequeat facere testamentum, aut etiam proprie incipere illud facere; sed ad summum preparare se ad illud faciendum, qua preparatio in rigore dici potest non testamentum imperfectum, unde jam deficit aliquid jure naturali requisitum ad testamenti substantiam & valorem. Et ita docent de Lugo. l. c. num. 276. Covar. Molin. ll. cit. Decius *in c. 1. de fide instrum. num. 15.* Barbos. *in c. cum tibi. b. t. num. 5.* Surdus. *decif. 292. à n. 11.* & alii, quos citat & sequitur. Reiffenst. b. t. num. 166. *jur. Eo. num. 168.* dicens communem contra Abb. *de success. ab intestato. num. 2.* Si vero imperfectum sit testamentum ratione solennitatum aliquarum, ut dum quis coram testibus jam presentibus incipiat testari, dicendo v. g. heredem instituo Ecclesiam: pauperibus hoc vel illud lego: volens adhuc plura ordinare, & antequam ad finem perveniat moriatur, vel ratione privat. idem est, si postquam jam cooperat scribere voluntatem suam manu propria, antequam absolveret, decederet, vel alter reddeatur inhabibilis ad absolucionem (in quo utroque casu dispositio illius dicetur quidem perfecta ratione voluntatis, quod ad ea, quae expressit vel scriptit; imperfecta vero ratione solennitatis, eo quod quoque testamentum plene absolvatur, non sit debite solenne *juxta l. 25. ff. b. t.*) valet talis dispositio facta ad pias causas; eo

quod dictum sapienter, in testamento ad pias causas, sufficiunt ea, quae jure naturali requiruntur; hoc autem jure non requiratur, ut quis totum testamentum, pro ut intenderat, absolvat; cum quis possit perfectè disponere de aliquibus, ita ut quod ad taliter disposita dicatur de presente habere voluntatem perfectam disponendi, quamvis alter sit de Jure civili, & non valeret talis dispositio imperfecta ratione solennitatis facta ad causas profanas, saltē in foro externo juxta l. *si quis ff. b. t. l. furiosus. c. qui testā. fac. poss.* ex ea etiam ratione, quod testamentum secundum leges sit quid individuum, ut proin, qui tantum facit, nihil fecisse censeatur. & ita docent Covar. l. c. n. 14. Molin. l. c. Laym. l. 3. tr. 5. c. 2. n. 6. Tiraq. l. c. privil. 7. Barthol. apud Reiff. *in hærentem n. 173, contra Clar. l. c. 9. 7. n. 4.* nixum hoc fundamento, quod tale testamentum dici non possit perfectum ratione voluntatis, cum etiam in actu testandi testator mutare possit, & sapienter mutet voluntatem, quod tamen paulo ante una cum ratione sua negatum est. Et certe, si dicta ratio subsisteret, etiam testamentum totaliter absolutum dici possit imperfectum; quia & illud mutari potest. Sexto tamen aliis necessitate institutionem hæredis fieri explicitè expresso hæredis nomine; in testamento tamen ad pias causas necessitate non est fieri hanc institutionem explicitè dicendo. v. g. pro hæredi instituto causam piam: sed sufficit fieri implicitè dicendo v. g. volo, ut omnia bona mea post mortem meam dentur huic monasterio, vel applicentur ad causas pias, vel impendantur legendis sacris; cum hæres dicatur ille, qui in universitate bona defunctori succedit. Idem est, si prius factis aliquibus legatis dicat: reliqua dentur pauperibus; hoc ipso enim, quod legatarii tantum in ius particulae succedant, causa pia, dum ei reliqua omnia sine exceptione relinquuntur, implicitè erit & censetur instituta hæres, ut potest in reliquum ius universum succedens. ita Reiffenst. n. 179. Qualiter vero fiat haec institutione hæredis ad causas pias, dum committuntur dispositio Titii, dictum est paulo ante. Vide etiam, quæ defuper habet. Pirk. b. t. n. 24. Septimo, licet testamento invalido, etiam non subsistente facta in eo legata profana; cum non subsistente principali, etiam non subsistat accessoriū; valet tamen in eo casu testamentū quod ad relicta in eo ad causas pias; cum ultimæ voluntates, quatenus se extendunt ad causas pias, non infrimentur ob defectum solennitatum de Jure civili alias requisitarum, Pirk. b. t. n. 22. citatis Covar. *in c. relatum. n. 3.* Molin. l. c. n. 2. item Tusch. *v. legatum. concl. 109. n. 7.* Imol. *in c. que in Ecclesiasticis. de constit. col. penult.* Engels. b. t. n. 20. Reiffenst. n. 164. non obstante Regul. 42. *jur. in 6. accessoriū sequitur naturam principalis:* cum ea prater alias sui limitationes & hanc admittat: nisi in accessoriū reperiatur specialis ratio, quæ in principali non reperiatur, qualis in hoc casu est favor religionis. è contra tamen testamentum minus solenne conditum principaliter ad causas pias, sive in quo instituta hæres causa pia, ideoque validum, sustinetur quoque quod ad facta in eo legata profana; cum subsistente principali, subsistat quoque accessoriū. AA. iidem. item Clarus. l. c. q. 6. num. 9. Tiraq. *privil. 80.* Laym. l. 3. tr. 3. c. 2. num. 20. Reiffenst. b. t. n. 161. citatusque ab eo Leff. & alii communiter contra Jafon. *in L. 1. c. de ff. Ecclesiasticis. 1. lectur. num. 21.* ex ea etiam ratione; quod si legata profana in testamento facta ad pias causas sine solennitate civili non subsisteret, necessario accrescerent causæ pia tanquam hæredi instituto.

hoc ipso, quod hæres succedat in universum justificatoris. videtur autem repugnare æquitati, idem testamentum, cuius favore & valore se defendit causa pia, ob ejusdem cause favorem impugnari & infirmari in alio contra illud tritum: quod quisque juris in alterum statuit, vel obtinet, ut & eo ipso debet.

Quæst. 609. Testamentum inter liberos quodnam dicatur, an & quas solennitates requirat.

R. Ad primum: testamentum inter liberos illud est, quod parentes faciunt inter liberos, eosque hæredes instituant. Dicitur primò: parentes, quo nomine hic veniunt tam mater quam pater, ut constat ex *L. bac consulfissima c. b. t.* quam clavem in hac materia vocat *Clar. §. testamentum q. 8. n. 1. & l. appellazione ff. de V. S.* etiò enim olim hujus testamenti privilegiati factio concernebat solum patrem, teste *Justiniano Novell. 107.* quia tamen leges, ut inquit *Muller. ad struv. in ff. quies testam. fac. possunt. ib. 18. lit. i.* erubuerunt matrem supponere illis solennitatibus, à quibus patrem liberarunt, extensa fuit privilegiata illa factio testamenti etiam ad matrem à *Theodos. & Valentiniā per cit. l. 21.* neque enim minus hæreditas matris quam patris debetur liberis per *l. 15. ff. de inoffic. testam.* privilegiumque testandi absque solennitatibus non concessum ratione patriæ potestatis, quam solus pater habet *§. 10. Inst. de adopt.* Sed ex reverentia, quam matri acquè ac patri debent liberi. *l. 4. c. de patr. potestat. cit. Novel. 107. c. de testam.* Et hæc, etiam mater transferit ad secundas nuptias. *Lauterb. in ff. de testam. milit. §. 25.* *Muller. l. c. lit. e.* *Arg. l. 8. ff. de pub. in rem aet.* Item veniunt in hac latiore significatione parentum nomine omnes ascendentēs in linea directa utriusque sexus & cuiuscunque gradus, avus proavus, avia & proavia juxta *cit. l. bac consulfissima. 21. §. ex imperfecto.*

2. Dicitur secundo: *inter liberos:* quo nomine hic veniunt omnes descendentes linea rectâ utriusque sexus & cuiuscunque gradus *l. 220. ff. de V. S.* ita ut etiam avus vivente filio, testamentum facere possit inter nepotes, ut *Lauterb. l. c. §. 26.* cum *Carpz. 7. F. c. 4. def. 16.* *Arg. cit. l. 21.* dum ibi generaliter dicitur, parentum testamentum valere inter liberos, quorum nomine secundum propriam significationem veniunt nepotes & pronepotes. *cit. l. 220.* Veniunt quoque filii tam natī quam nascitū. *L. 117. ff. de R. J.* utpote qui pro natīs habentur, quoties de eorum commōdo agitur. *L. 7. ff. de statu homin.* *Lauterb. §. 26.* Item tam emancipati, quam sub patria potestate constituti. *l. 56. ff. de V. S.* *Brunem. ad cit. l. 21. §. 1.* *Lauterb. l. c. Muller. cit. th. 18. lit. β.* Item nomine filiorum, inter quos parentes validè sine solennitate facere possunt testamento, venire tam legitimos quam naturales, tenent *Carpz. p. 3. c. 4. def. 24.* *Lauterb. §. 28.* *Hahn. tr de testam. th. 28.* *Arg. cit. l. 21.* loquentis generaliter. uti & exemplum est. *in l. 6. ff. de injus voc.* Imperatore responente ad affectionem naturalem & rationem sanguinis. Contrarium probabilitus tenentibus *Clar. l. c. q. 12. n. 1.* testante de communi. *Gail. L. 2. obs. 112. n. 18.* *Fachin. l. 4. controv. c. 3.* *Jafon. in l. 21. §. ex imperfecto. c. b. t. n. 4.* *Decius conf. 610. n. 3.* *Stryck. de testam. inter liber. c. 2. n. 15.* *Reiffenb. t. n. 208.* ex ea ratione, quod dum lex intentionem facit de liberis regulariter intelligantur soli legitimis. *L. filium. ff. de his. qui sunt sui.* ad hæc non videatur credibile, jura voluisse specialem favorem exhibere illegitimis ob inordinatam patris libidinē suspectis.

illud saltem videtur certum, non venire illegitimos, cum existat proles legitima. Secus tamen est de illegitimis seu naturalibus respectu matris, inter quos ab ea factum testamentum minùs solene valet. *Clar. l. c. n. 2.* *Gail. l. c. n. 20.* *Lauterb. §. 28.* *Reiff. n. 209.* utpote qui quod ad matrem omnia legitimorum jura habent, unde etiam jure communī succedunt. *§. novissime Inst. ad S. C. Orphit.* *Brunem. ad cit. l. 21. §. 1. n. 5.* allegatis multis. uti & DD. communiter testa *Lauterb.* Item veniunt tam legitimè natī quam ex post legitimati, utpote consecuti omnia legitimorum jura. *Fachin. l. 4. controv. c. 4.* *Lauterb. §. 27.* *Ludvvel. tr. de ult. vol. p. 3. c. 3. pag. 332.* *Muller. l. c. lit. y.* Non verò veniunt natī ex damnato concubitu, utpote quos Jus Civile pro liberis non agnoscit, & ab omni successione excludit. *Novell. 89. c. fin.* *Lauterb. §. 28. in fin.* ubi etiam, quod de spuriis quod ad patrem fructu queratur; quia incerto patre natī, quanquam quo ad matrem illustrē, succedere illi spuriis, & consequenter inter eos testamentum facere posse, ubi nullos legitimos habet, extra dubium esse dicat. *Idem Lauterb. §. 25.* Sed neque inter filios adoptivos testamentum facere potest pater aut mater, nisi sint ab aliquo ascendētū; cum proprie liberi non sint, & liberis simpliciter nominatis, non comprehendantur. *Lauterb. §. 27.* citatis aliis. Nequaquam autem veniunt descendentes ex linea laterali, etiam si de cætero patri testatori arctissimo cognationis & sanguinis vinculū sint conjuncti, v. g. germani fratres & sorores, baraque descendentes, quia hi omnes, & quotquot non sunt ex linea directa testatoris, censentur perlona extranea, ut juxta *l. 21. c. de testam.* *Harpr. ad §. 3. c. 4. Inst. de testam. Ord. n. 228.* *Carpz. p. 3. c. 4. d. 19. n. 5.* *Surd. conf. 258. n. 22.* *Boer. decis. 241. n. 3.* *Clar. §. testamentum. q. 10. n. 1.* & plures alii, quos citat & sequitur *Muller. l. c. th. 19. lit. a.* Adeoque multo minus affines, ut prævigni & prævignæ, qui vitreco & noverce nequeunt succedere, & ad quos, quae alijs in jure specialiter singulari parentum & liberorum favore inter illos inducta, non pertinent. verum de hoc infra, ubi an persona extranea institui possint hæredes, denique non veniunt filii, qui per statutum sunt exclusi a successione ab intestato. v. g. filii, quia sunt doctæ. *Clar. l. c. q. 12. n. 4.* citatis aliis. *Lauterb. l. c. §. 31.* vel etiam, quia sollemniter renunciarunt, de cætero si in hoc testamento vel unus sit præteritus (excipi, nisi sit ex hereditate) illud non valet, cum hic defectus præteritionis non sit circa solennitatem, sed circa substantiam illius. *Clar. l. c. q. 8. n. 6.* cum *gl. fin. in l. si filius. ff. de liber. & posthum.* *Alex. L. 2. conf. 126. post. n. 3.* *Natta. §. 11.* & aliis.

3. Dicitur tertio: *cosque hæredes institunt:* quia de essentia hujus testamenti est, ut omnibus filiis relinquatur jure institutionis, ita ut si relinquatur iis aliquid alio titulo v. g. legati, tale testamentum destitutum solennitatibus non valeat. *Clar. l. c. q. 8. n. 7.* citatis *Ruin. l. 2. conf. 1. n. 3.* *Salicet. in auth. novissima. c. de inoffic. testam.* *Natta. in cit. l. 21. §. ex imperfecto. n. 112. & seqq. & plurimis aliis,* qui ferè omnes testantur esse communem legistarum & Canonistarum, idque ex ea ratione, ut *Clar. l. c. q. 38. n. 1.* quod lex disponens, ut valeat tale testamentum inter liberos, condita sit in favorem liberorum, utpote quibus debebatur etiam jure naturali hæreditas parentum, adeoque eorum conditio sit deterior, ea lex locum non habeat; fieret autem deterior, si non titulo institutionis, sed titulo legati vel fideicommissi aliōve particulari relinquetur iis;